

samantha ...

*uh, la
vita è scharfa!*



Arrivada a Scuol Ok. Lura cumenz jau. Mes num è Samantha. Forsa che inqualins da vus m'enconuschan gia.

U forsa che vus enconuschais plitost mia amia Carrie. I va ensa-
sez qua per mai, ma jau less tuttina curt men-
ziunar Carrie. Carrie ha grond success cun sia
columna da sex. E jau, ok, jau dun tier, jau era
e sun adina in zichel scuidusa. Betg pervi dal
sex, tge pensais! Ma plitost pervi da la colum-
na.

Ma vus savais gea, igl megler encunter talas
frustraziuns è ... shopping! E perquai haja cum-
prà ina pretty chasetta en il lieu da bellezza
extraordinaria a Scuol, en Engiadina. Jau hai
lura spert badà che be cun in pau engles na
vegn'ins betg lunsch en terra rumantscha.
Perquai haja gist fatg in curs da rumantsch.
Rumantsch grischun, sa chapescha. (Ensasez
haja fatg quel curs be perquai che mes scolast
era uschi'in schnuci, ... e jau hai survegnì uras
privatas ... – Tranter nus: er el ha pudì empren-
der insatge da mai ...)

Ma vus savais, be far bella vita a Scuol na va
era betg, jau vulev lavurar, era scriver ina
columna. Atgnamain avev'jau fatg ina dumonda
tar la NZZ, ma quels n'han gì nagin interess.
(Hai schon adina savì ch'ils Svizzers èn in pau
da quai verklempt.) Ma in bel di, cura che jau
era gist en mes bichini sin veranda hai jau vesì
ad arrivar in bus alv cun enquals bels giuvnots.
Jau als hai lura envidà sin in drink (restà èsi
deplorablmain be tar il drink) ed aschia hai
jau chattà or ch'els èn da Punts, dad ina gaset-
ta giuvna. La gasetta gist precis adattada per
mia columna!!

Els han gì grond plaschair, e dalunga acceptà
mia columna. Oravant tut in giuven numnà
Rafael M. era totalmain fascinà da l'idea, il pli
gugent avess el scrit sez la columna sur da ses
tema preferì ... ma quai ma fiss ì lu memia
lunsch.

Lura bain mes uffants, mia schorta story per
questa giada, dapli da mai datti en las proximas
Punts!!!

Cun bitschs bletschs as salida vossa
Samantha